

Briff Gwnaethpwyd yng Nghymru ar gyfer Ymgynghoriaeth Allanol

Cyflwyniad

Drwy ein llinyn 'Gwnaethpwyd yng Nghymru', mae Canolfan Ffilm Cymru yn dathlu straeon Cymreig ar y sgrin. Ein huchelgais ydy i ffilmiau Cymreig sefyll yn rheolaidd ochr yn ochr gyda theitlau ieithoedd tramor ac annibynnol o ansawdd uchel ledled y byd.

Y Briff

Mae Canolfan Ffilm Cymru yn chwilio am ymgynghorwyr allanol i ymchwilio ac i ddatblygu'r syniad o frand Gwnaethpwyd yng Nghymru, ar gyfer ffilmiau gyda chysylltiadau Cymreig.

Gan adeiladu ar waith Canolfan Ffilm Cymru hyd yn hyn, a gyda chefnogaeth dros 25 o [bartneriaid diwydiant](#) (yn cynnwys BAFTA Cymru, Into Film a Ffilm Cymru Wales), ein nod ydy edrych ar sut y gallwn gynyddu ymwybyddiaeth o gynnwys sgrin Cymreig a chyflwyno'r neges yma i'r genhedlaeth ddigidol.

Gall y gwaith cwmpasu yma, a gefnogir gan Clwstwr Creadigol trwy Prifysgol Caerdydd, gynnwys:

- 1) Dysgu oddi wrth fodolau darparu DU a rhyngwladol eraill,
- 2) Edrych ar y syniad o hunaniaeth Cymreig, sut rydym yn dweud straeon a sut y gellid harneisio hyn i gyrraedd cynulleidfaoedd,
- 3) Edrych ar y bylchau mewn data, tueddiadau ac astudiaethau achos i weld sut y gallwn ddefnyddio data i gyrraedd cynulleidfaoedd.

Rydym yn rhagweld y bydd eich cynnig yn cynnwys:

- Cyfarfod/trafodaeth ffôn cychwynol gyda thîm y Ganolfan a phartneriaid i fapio angen,
- Cydgysylltu gyda phartneriaid,
- Ymchwilio a dadansoddi data,
- Casglu a chyflwyno adroddiad byr gydag astudiaethau achos allweddol.

Amserlen

- Hydref - comisiwn,
- Tachwedd – penodi/gwaith yn cychwyn
- April 2020- cwblhau.

Cyllideb

Y cyfanswm ar gyfer y gwaith yma, yn cynnwys TAW, ydy £ **£10,000**. Darparwch amlinelliad clir o'r dadansoddiad o gostau, gan roi manylion yn erbyn gweithgaredd.

Meini prawf y corff

Gall unigolyn, corff neu dîm gyflawni'r gwaith yma. Gall unigolion neu gyrff gydweithio i gyfuno sgiliau. Lle caiff gwaith ei wneud gan grŵp, rhaid cael arweinydd penodedig clir. Dylai'r ymgynghorydd(wyr) sydd yn darparu dyfynbris am y briff allu dangos:

Hanfodol:

- Profiad profedig o ymchwil arloesol, sgiliau gwerthuso, dadansoddi a dylunio data,
- Y gallu i gyflwyno persbectif annibynnol i ddatblygiad y briff yma,
- Sgiliau ymgynghori cryf,
- Sgiliau cyfathrebu ardderchog,
- Gwaith datblygu partneriaeth llwyddiannus profedig,
- Gwerth am arian,
- Dealltwriaeth o gyfleoedd cyfartal a chynhwysiant,
- Gwybodaeth dechnegol o gymwysiadau i gefnogi'r broses ymgynghori.

Dymunol

- Trwydded yrru lawn (mae teithio yn annhebygol ond gall fod angen gwneud hynny),
- Dealltwriaeth o ymwybyddiaeth brand ac ymgyrchoedd marchnata,
- Gwybodaeth weithredol o ffilm a chynulleidfaoedd,
- Dealltwriaeth o'r diwydiant/diwylliant sgrin Cymreig,
- Siaradwr/wraig Cymraeg.

Sut i wneud cais

Cyflwynwch gynnig ysgrifenedig cryno sydd yn cynnwys:

- Eich dull o ymateb i'r briff,
- Manylion am yr unigolyn(ion) fydd yn gweithio ar y prosiect,
- Amlinelliad o brofiad blaenorol yn y maes yma o waith ac enghraifft o'r gwaith yma,
- Dau eirida o waith blaenorol/tebyg,
- Cyllideb, yn cynnwys TAW a chostau.

Dylid anfon cynigion ar e-bost at:

Hana Lewis

hana@filmhubwales.org

Nodwch y llinell pwnc yn yr e-bost 'Ymgynghoriaeth Gwnaethpwyd yng Nghymru'

Y dyddiad cau ar gyfer cynigion ydy Dydd Gwener 15fed Tachwedd. Gall cyrff dderbyn gwahoddiad i drafod yn bersonol.

Dylid cyfeirio ymholiadau at hana@filmhubwales.org neu 02920 353740.

ATODIAD

Amdanom FHW

Rhagor o bobl, rhagor o leoedd, rhagor o ffilmiau

Mae Canolfan Ffilm Cymru (FHW) yn rhan o rwydwaith DU gyfan a gyllidir gan y Sefydliad Ffilm Prydeinig (BFI) i ffurfio Rhwydwaith Cynulleidfa Ffilm (FAN), ac mae Chapter wedi'i benodi fel y Corff Arwain Canolfan Ffilm (FHLO) yn Nghymru. Rydym yn gweithio gyda dros **300 o sinemau**, canolfannau celf, lleoliadau cymunedol, cymdeithasau, gwyliau ac ymarferwyr ffilm ehangach yng Nghymru i ddatblygu dulliau dyfeisgar a chynhwysol i bobl ar draws Cymru gael mynediad i sinema annibynnol Prydeinig a rhyngwladol, waeth beth fo'r rhwystrau y gallant eu wynebu. Rydym wedi bod yn falch o ddatblygu prosiectau fel **Roald**

Dahl ar Ffilm, Rhwydwaith Ffilm Hoyw DU, a chynnal Swyddog Mynediad FAN BFI.

Rydym hefyd yn falch o arwain [strategaeth Sinema Cynhwysol](#) FAN BFI ar ran y DU, gan weithio i ddatbygu cydraddoldeb a chynrychiolaeth ar sgrin, yn y gynulleidfa a thu ôl i'r camera.

Am wybodaeth ynghylch rhywfaint o'n gwaith hyd yn hyn, ewch i [Uchafwbyntiau Canolfan Ffilm Cymru](#).

Am Gwnaethpwyd yng Nghymru

Yn 2014, lansiodd Canolfan Ffilm Cymru [Strategaeth Gwnaethpwyd yng Ngymru](#) gyda'r bwriad o ddathlu hunaniaeth Cymru, ei hiaith a'i diwylliant drwy ffilm, drwy gydol y flwyddyn. Roedd hwn yn ddull newydd o weithredu i warantu'r risg i arddangoswyr, oedd angen amser i ymgysylltu gyda'r gynulleidfa a chefnogi gwneuthurwyr ffilm gyda theithiau theatrig yng Nghymru. Bedair mlynedd ymhellach mae nifer o safleoedd yn cynnig ffilmiau Cymreig yn hyderus fel rhan o'u rhaglenni craidd ond mae nifer o broblemau strategol allweddol wedi ein dal yn ôl, yn cynnwys:

- Diffyg data yn amlinellu perfformiad teitlau Cymreig a phatrymau cynulleidfa yng Nghymru,
- Diffyg gwybodaeth am gynnwys gyda chysylltiadau Cymreig, ffilmiau newydd cyfyngedig neu amser arwain i mewn byr,
- Roedd partneriaid y diwydiant Cymreig yn gweithio ar eu pen eu hunain ac heb ofod canolog na brand allai godi proffil cynnwys sgrin Cymreig o ffilm, i deledu pen uchaf neu animeiddio.

Er mwyn archwilio'r materion yma ymhellach a datblygu strategaeth ar gyfer pedair mlynedd nesaf Canolfan Ffilm Cymru, fe wnaethom gynnal [adolygiad o ffilmiau Cymreig](#) yn 2017 gyda Bigger Picture Research a'n partneriaid mewn arddangos, cynhyrchu a dosbarthu. Wrth edrych ar y data ar draws y 70 o ffilmiau roeddem wedi eu cefnogi ar y cyfnod yma, fe wnaethom gadarnhau na fyddai 24 ohonyn nhw wedi cael eu rhyddhau i theatrau oni bai am y cynllun.

Beth ydy Ffilmiau Cymreig?

Mae FHW yn cefnogi cyrff sydd yn dangos ymrwymiad gydol y flwyddyn i ffilmiau annibynnol, yn cynnwys ffilmiau Cymreig, y gellir eu rhannu i'r penawdau canlynol:

- 1. Treftadaeth Sgrin:** Ffilmiau nodwedd proffesiynol, ffilmiau byr a dogfen y mae eu hawliau'n cael eu dal gan archifau sgrin e.e. The Life and Times of David Lloyd George (1918) neu ffilmiau amatur mewn casgliadau personol.
- 2. Ffilmiau Nodwedd a Ffilmau Dogfen:**
 - a) Yn cynnwys talent Cymreig (cyfarwyddwr/ cynhyrchydd/ awdur/ prif gast) e.e. ffilmiau'r actor Ray Milland.
 - b) Wedi'u gwneud gan gwmnïau cynhyrchu neu wneuthurwyr ffilmiau'n weithredol yng
 - c) Nghymru (yn cynnwys y rhai a wnaethpwyd gyda chyllid Asiantaeth neu Lywodraeth Cymru) e.e. Orion: The Man Who Would be King (2015).

- d) Wedi'u gosod yng Nghymru, neu sy'n delio gyda straeon, digwyddiadau neu bobl Cymru e.e. Tiger Bay (1959). Ffilmiau Cymraeg e.e. Yr Ymadawiad (2016).
- e) Wedi'u gosod yng Nghymru neu yn delio gyda chymeriadau, digwyddiadau neu sefyllfaoedd yng Nghymru (gwir neu ddychmygol). e.e. Pride (2014). Caiff ffilmiau fel y rhain ac eraill eu hadolygu fesul cais.¹

3). Beth rydym yn ei wneud yng Nghanolfan Ffilm Cymru i gefnogi ffilmiau Cymreig

1. We offer financial support to exhibitors programming films with Welsh connections,
2. Rydym yn cynnig ystafell rhagddangos i aelodau Canolfan lle mae modd iddyn nhw wyllo sginwyr ffilmiau Cymreig ar-lein.
3. Rydym yn anfon newyddlenni rheolaidd yn cynnwys diweddariadau ar ffilmiau newydd.
4. Rydym yn siarad yn rheolaidd gyda dosbarthwyr, gwneuthurwyr ffilm ac asiantaethau fel Ffilm Cymru Wales a Sgrin Cymru am ffilmiau newydd i ddod a throsglwyddo newyddion trwy'r rhwydwaith.
5. Rydym yn cynnal rhwydwaith DU rhaglenwyr ifanc gyda 4 lleoliad yng Nghymru a llawer mwy ledled y DU. Mae hyn yn rhoi cyfleoedd i gynulledifaoedd ifanc roi adborth ar ffilmiau Cymreig.
6. Rydym yn cynnig adran Gwnaethpwyd yng Nghymru ar ein gwefan lle mae catalog o ffilmiau Cymreig wedi'u rhestru, yn cynnwys pecynnau wedi'u curadu'n ganolog fel Santes Dwynwen, Ray Milland a Stanley Baker.
7. Fe fyddwn yn trefnu cyfarfodydd rheolaidd rhwng y cyrff ffilm ehangach yng Nghymru, o hyfforddiant i gynhyrchu, i ddatblygu dulliau gweithredu canolog i farchnata ffilmiau Cymreig sydd yn rhoi hwb i broffil ffilmiau newydd ac yn cynnig gweithgaredd gwerth ychwanegol.
8. Fe fyddwn yn creu pecynnau ffilm wedi eu curadu lle mae yna alw thematig.
9. Hyrwyddo ffilmiau Cymreig yn genedlaethol a rhanbarthol, lle y bydd gan y gweithgaredd yma botensial i greu cynulleidfoaed ychwanegol.

¹ Mae enghreifftiau yn cynnwys: ffilmiau ieithoedd tramor gydag is-deitlau, ffilmiau dogfen, ffilmiau clasurol neu archif, ffilmiau sy'n anodd eu rhoi o dan bennawd, ffilmiau sy'n adrodd stori mewn dull anghonfensiynol, heriol, ffilmiau sydd yn arbrofol gyda thechnegau sinematig neu ffilmiau sy'n gwneud i chi feddwl nad ydyn nhw ar gyfer adloniant yn unig. BFI catalog ffilm chwiliadwy: collections-search.bfi.org.uk/web